

No. Rujukan : UTeM.100-1/3/5 (9)



---

## **SURAT PEKELILING KEWANGAN BILANGAN 4 TAHUN 2022**

---

### **DASAR DAN GARIS PANDUAN PERUNDINGAN UNIVERSITI TEKNIKAL MALAYSIA MELAKA**

**Pejabat Bendahari**

10 Januari 2022

**Disalinkan kepada :**

Naib Canselor

Timbalan Naib Canselor (Akademik & Antarabangsa)

Timbalan Naib Canselor (Penyelidikan & Inovasi)

Timbalan Naib Canselor (Hal Ehwal Pelajar)

Penolong Naib Canselor (Jaringan Industri & Masyarakat)

Penolong Naib Canselor (Pembangunan & Pengurusan Fasiliti)

Pegawai-Pegawai Kanan

# UNIVERSITI TEKNIKAL MALAYSIA MELAKA

UTeM.100-1/3/5 (9)

10 Januari 2022

## **SURAT PEKELILING KEWANGAN BIL. 4/2022**

### **DASAR DAN GARIS PANDUAN PERUNDINGAN UNIVERSITI TEKNIKAL MALAYSIA MELAKA**

#### **1.0 TUJUAN**

- 1.1 Surat Pekeliling Kewangan ini dikeluarkan bertujuan untuk memaklumkan tentang Dasar dan Garis Panduan Perundingan Universiti Teknikal Malaysia Melaka.

#### **2.0 LATAR BELAKANG**

- 2.1 Perkhidmatan Perundingan UTeM merupakan salah satu aktiviti untuk menjana pendapatan Universiti.
- 2.2 Selain itu, ia juga penting kerana dapat menjalinkan hubungan yang erat antara Universiti dengan industri serta kesefahaman yang boleh diwujudkan melalui hubungan kerjasama pintar kedua-dua pihak kerana antara misi UTeM adalah menjana pembangunan lestari bersama industri dan komuniti.
- 2.3 Segala projek perundingan UTeM, sama ada melalui pengurusan Universiti atau UTeM Holdings Sdn Bhd (UHSB) adalah didaftarkan di Pejabat Jaringan Industri dan Masyarakat (PJIM).
- 2.4 Aktiviti-aktiviti perundingan telah dipergiatkan di kalangan staf UTeM dan ia telah menyumbang kepada penjanaaan pendapatan Universiti.

- 2.5 Pada masa yang sama, bagi menggalakkan lebih banyak aktiviti perundingan, Dasar serta Garis Panduan kerja perundingan sedia ada iaitu Garis Panduan Perundingan UTeM (Pekeliling Bendahari Bilangan 3/2015) telah ditambahbaik dengan maklumat berhubung kadar bayaran pengurusan, proses permohonan perundingan serta pelaksanaan perkhidmatan perundingan.
- 2.6 Dasar dan Garis Panduan ini telah diperakukan dalam Mesyuarat Jawatankuasa Tetap Kewangan Bil. 6/2021 pada 26 November 2021 dan diluluskan dalam Mesyuarat Lembaga Pengarah Universiti (LPU) Bilangan 6/2021 pada 22 Disember 2021.

### **3.0 OBJEKTIF**

- 3.1 Objektif Dasar dan Garis Panduan ini disediakan adalah untuk:
- 3.1.1 Menentukan dasar, peraturan dan tatacara dalam pelaksanaan projek perundingan di Universiti.
  - 3.1.2 Menjadi dokumen rujukan dalam pengurusan semua projek perundingan di Universiti.
  - 3.1.3 Menggalakkan staf Universiti melibatkan diri dalam projek perundingan melalui tatacara dan proses pelaksanaan yang jelas.
  - 3.1.4 Membantu aktiviti menjana pendapatan dari perundingan untuk mengurangkan kebergantungan kewangan daripada Kerajaan.

## 4.0 RINGKASAN DASAR DAN GARIS PANDUAN PERUNDINGAN

- 4.1 Dasar dan Garis Panduan ini merangkumi takrifan perundingan serta tatacara pendaftaran, pengurusan dan pembayaran bagi projek perundingan yang dijalankan di Universiti.
- 4.2 Kadar (%) bayaran pengurusan baru yang lebih kompetitif telah ditetapkan dan telah diselaraskan kepada satu kadar sama, bagi klien sektor kerajaan dan klien sektor swasta
- 4.3 Secara umumnya perkhidmatan perundingan dikategorikan kepada tiga (3) jenis seperti berikut:
  - 4.3.1 **Perundingan dan Nasihat Pakar:-** ditakrifkan sebagai kepakaran, nasihat atau maklumat yang diberikan berdasarkan data-data daripada hasil kajian atau serahan dalam bentuk seperti laporan, analisis kajian, reka bentuk, pembangunan modul, kertas kerja, penghasilan produk, pensijilan, penentukuran dan lain-lain.
  - 4.3.2 **Perkhidmatan Latihan dan Kursus:-** jenis-jenis perkhidmatan yang boleh ditawarkan adalah seperti, kursus pendek, latihan (*training*), bengkel, seminar dan lain-lain.
  - 4.3.3 **Perkhidmatan fasiliti dan peralatan Universiti:-** projek-projek yang melibatkan penggunaan fasiliti, peralatan Universiti atau kepakaran staf yang boleh menyelia dan menasihati dalam pengoperasian/ pengendalian instrumen atau peralatan.

4.4 Dasar dan Garis Panduan Perundingan ini mengandungi perkara berikut:

- 4.4.1 Pengenalan
- 4.4.2 Tafsiran
- 4.4.3 Undang-undang
- 4.4.4 Perkhidmatan Perundingan
- 4.4.5 Tanggungjawab
- 4.4.6 Model Perundingan Universiti
- 4.4.7 Tatacara Kewangan & Kadar Pembayaran
- 4.4.8 Tatacara Permohonan Projek Perundingan
- 4.4.9 Penutupan Projek Perundingan
- 4.4.10 Carta Alir Pengurusan Kewangan
- 4.4.11 Carta Alir Daftar Projek Perundingan
- 4.4.12 Ringkasan Proses Kerja Perundingan
- 4.4.13 Pembatalan

## 5.0 PEMAKAIAN

5.1 Dasar dan Garis Panduan Perundingan Universiti Teknikal Malaysia Melaka (UTeM) berkuat kuasa mulai **01 Januari 2022**.

5.2 Rujukan Dasar dan Garis Panduan Perundingan adalah seperti **Lampiran Dasar Perundingan** dan **Lampiran Garis Panduan Perundingan**.

5.3 Borang-borang berkaitan perundingan adalah seperti berikut:

- 5.3.1 Borang Daftar Perundingan
- 5.3.2 Borang Tuntutan Bayaran Projek Perundingan
- 5.3.3 Borang Laporan Tamat Projek Perundingan
- 5.3.4 Borang Pindaan Projek Perundingan

5.4 Pindaan di bawah Peraturan Kewangan dan Perakaunan Universiti (PKPU), Bahagian Pengurusan Wang Universiti adalah seperti berikut :

5.4.1 **Bab J : Penjanaaan Pendapatan**

i. **Para 7.1 Perkhidmatan Perundingan**

5.4.2 Capaian PKPU di laman sesawang Pejabat Bendahari ialah:

<https://pkpu.utem.edu.my/index.php/5-0-bahagian-pengurusan-wang-universiti-pw/bab-j-penjanaaan-pendapatan>

## 6.0 PEMBATALAN

6.1 Dengan berkuat kuasanya Dasar ini, pekeliling-pekeliling atau lampiran berikut **adalah dibatalkan**:-

6.1.1 Pekeliling Bendahari Bilangan 3 Tahun 2015 mengenai “Garis Panduan Perundingan UTeM”; dan

6.1.2 Pekeliling Bendahari Bilangan 4 Tahun 2016 mengenai “Borang Penentuan Projek Perundingan High/Low Risk”.

6.1.3 Surat Pekeliling Bendahari Bil. 3 Tahun 2019 (Pembatalan Lampiran Borang Daftar Perundingan sahaja) .

6.1.4 Surat Pekeliling Bendahari Bil. 2 Tahun 2019 mengenai Perlanjutan Tempoh Pengurangan Jumlah Peratusan Bayaran Pengurusan Perundingan Kepada 15% bagi Projek Perundingan yang Kurang dari RM50,000.


Sekian, harap maklum.

**“WAWASAN KEMAKMURAN BERSAMA 2030”**

**“BERKHIDMAT UNTUK NEGARA”**

**“KOMPETENSI TERAS KEGEMILANGAN”**

Saya yang menjalankan amanah,



**KHAIRUL BIN TAIB**  
Bendahari  
Universiti Teknikal Malaysia Melaka